

Тошкент шаҳри

“04” феврал 2022 йил

“Meliomashlizingservis” масъулияти чекланган жамияти (бундан буён «Бажарувчи» деб юритилади) номидан унинг Устави асосида фаолият кўрсатувчи корхона директори А.Б.Файзиев, бир тарафдан ва Бўйи Зафаршон ИТХБ (бундан буён «Буюртмачи» деб юритилади) номидан Устав асосида фаолият кўрсатувчи директори Н.Шошуров иккинчи тарафдан ушбу шартномани Ўзбекистон Республикаси Фуқаролик кодекси 23-бўлими ва «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Қонунига асосан қуйидагилар ҳақида туздилар:

I. Шартноманинг предмети

«Бажарувчи» Ўзбекистон Республикаси Президентининг 2017 йил 6 октябрдаги ПҚ-3313-сонли ҳамда 2017 йил 27 ноябрдаги ПҚ-3405-сонли Қарорлари ижросини таъминлаш мақсадида «Ўзмелиомашлизинг» давлат унитар корхонаси томонидан «Буюртмачи»га лизинг асосида етказиб берилган машиналар ва бошқа турдаги техника воситалари (кейинги ўринларда - техника)га кафолатли замонавий техник сервис хизмати кўрсатиш ва таъмирлаш ишларини амалга оширади, «Буюртмачи» эса ўз вақтида ушбу хизматлар учун ҳақ тўлайди.

II. Шартноманинг қиймати ва ҳисоб-китоб қилиш тартиби

2.1. Шартноманинг умумий қиймати ҚҚС билан 15000000 (ўн беш миллион) сўм (сумма рақамлар ва харфлар билан ёзилади) сўмни ташкил этади.

2.2. Бозор конъюктурасида нарх-наволарнинг ҳамда амалдаги энг кам иш ҳақи миқдори ёки тарифлар ўзгарганда шартноманинг умумий қиймати ўзгаради.

2.3. Техникаларга сервис кўрсатиш нархлари техник сервис хизматининг тури ва мураккаблик даражаси ҳамда зарурий эҳтиёт қисмларнинг баҳосидан келиб чиққан ҳолда белгиланади.

2.4. «Буюртмачи» шартнома умумий қийматининг 30 (ўттиз) фоиз миқдоридан олдиндан шартнома имзоланган кундан бошлаб, иш тўлиқ бажарилганидан кейин қолган 70 (етмиш) фоиз миқдорини тўлаб беради.

2.5. Бажарилган ишлар бўйича топшириш-қабул қилиб олиш далолатномаси имзоланган кундан бошлаб «Буюртмачи» шартнома суммасининг қолган қисмини (амалда бажарилган иш ҳажмидан келиб чиққан ҳолда) 15 (ўн беш) кун мобайнида тўлаб беради. Бунда кўрсатилган сервис хизмати батафсил ёзилган далолатнома тузилиб, сервис хизмати ҳақи кўрсатилади ва далолатнома тарафлар ўртасида имзоланади.

III. Тарафларнинг ҳуқуқ ва мажбуриятлари

3.1. «Бажарувчи»нинг ҳуқуқлари:

а) кўрсатиладиган хизматлар ҳамда етказиб берилган эҳтиёт қисмлар ва мойлаш материаллари учун олдиндан ҳақ тўланишини ва амалдаги қонун ҳужжатларида белгиланган тартибда ҳисоб-китоб қилинишини «Буюртмачи»дан талаб қилиш;

б) «Буюртмачи» томонидан таъмирлаш талаб қилинган техника воситаси учун кўрсатилган барча зарурий эҳтиёт қисмлар миқдори ва тури бўйича носозлик далолатномаси тузилгандан сўнг сервис хизмати кўрсатилади.

в) кўрсатилган хизматларни асоссиз равишда рад этиш натижасида етказилган зарарни қоплашни «Буюртмачи»дан талаб қилиш.

г) «Буюртмачи» томонидан бажарилган ишлар учун ўз вақтида тўловлар амалга оширилмаган вақтда акцепсиз равишда қарздорлик суммасини бир томонлама солиштирма далолатномасига асосан инкасса топшириқномасини унинг ҳисоб рақамига қўйиб ундиришга.

3.2. «Бажарувчи»нинг мажбуриятлари:

а) «Буюртмачи» билан тузилган шартнома Ҳазначилик бўлиmidан рўйхатдан ўтказилб, шартноманинг 2.4. банди бажарилгандан кейин хизматларни кўрсатиш;

б) техникаларга техник сервис кўрсатиш вақтида носозликларни қайд этиш ва хизматлар кўрсатилгандан сўнг топшириш ва қабул қилиш далолатномаларини «Буюртмачи» иштирокида тузиш;

в) техник сервис хизматларини замонавий ва сифатли қилиб ўтказилишини таъминлаш.

3.3. «Буюртмачи»нинг ҳуқуқлари:

а) ушбу шартномага биноан ўз вақтида ва тегишли сифатдаги хизматлар кўрсатишни «Бажарувчи»дан талаб қилиш;

б) «Бажарувчи» томонидан кўрсатилган сервис хизматларининг сифатини аниқлашда иштирок этиш;

в) шартнома шартларини бажармаслик ёки зарур даражада бажармаслик натижасида етказилган зарарнинг қопланишини «Бажарувчи»дан талаб қилиш.

3.4. «Буюртмачи»нинг мажбуриятлари:

а) ушбу шартномада белгиланган маблағларни ўз вақтида «Бажарувчи»нинг ҳисоб рақамига ўтказиб бериш;

б) «Бажарувчи»га техникаларни топшириш вақтида топширишнинг белгиланган техник ва тозалик қоидаларига риоя этиш.

в) «Бажарувчи» томонидан бажарилган ишлар учун тўловларни ўз вақтида амалга оширмаган вақтда акцепсиз равишда қарздорлик суммасини бир томонлама солиштирма далолатномасига асосан инкасса топшириқномасини унинг ҳисоб рақамидан ундирилишига эътироз билдирмасликка.

г) Томонлар ўртасида тузилган шартномани ўз вақтида Ҳазначилик бўлиmidан рўйхатдан ўтказиб, бир нусхасини «Бажарувчи»га юбориш.

IV. Тарафларнинг жавобгарлиги

4.1. Кўрсатилган сервис хизматлари учун тўловлар ушбу шартнома бандларида кўрсатилган миқдор ва муддатларда амалга оширилмаса, “Буюртмачи” тўлов муддати ўтказиб юборилган ҳар бир кун учун кечиктирилган тўлов қийматининг 0,5 фоизи миқдорида, аммо кечиктирилган тўлов қийматининг 50 фоизидан ортиқ бўлмаган миқдорида “Бажарувчи”га жарима тўлайди.

4.2. “Бажарувчи” томонидан унинг айби билан ушбу шартномада келишилган муддат ичида сервис хизматлар кўрсатилмаса, “Буюртмачи”га кечиктирилган ҳар бир кун учун мажбурият бажарилмаган қисмининг 0,5 фоизи миқдорида пеня тўлайди, бироқ пеня миқдори бажарилмаган мажбурият қийматининг 50 фоизидан ошиб кетмаслиги лозим.

4.3. “Бажарувчи” кўрсатилган сервис хизматлари учун “Буюртмачи”нинг ушбу турдаги техникалардан фойдаланиш бўйича йўриқномага риоя этиш шarti билан кафолат беради. Шунингдек, “Бажарувчи” техникани “Буюртмачи”га топшириш вақтида навбатда ўтказиладиган режали техник сервис тўғрисида огоҳлантиради.

4.4. “Буюртмачи” навбатдаги режали техник сервисни ўз вақтида ўтказмаса ёки уни бошқа сервис кўрсатиш корхоналарида амалга оширса, “Бажарувчи” ушбу техниканинг техник ҳолати бўйича жавобгарликни ўз зиммасига олмайди.

4.5. “Буюртмачи” тўловларни ўз вақтида амалга оширмаганлиги учун 50 млн.сўмдан ортиқ тўлов муддати ўтган қарздорлик юзага келганида “Бажарувчи” Муассиси –“Ўзмелиомашлизинг” ДУКнинг розилик хати асосида “Буюртмачи”нинг лизинг техникалари ҳаракатини вақтинчалик тўхтатиб қўйиши мумкин. Бунда ҳаракати тўхтатилган техника мавжуд қарздорлик тўлик тўланганидан кейин қайтарилиши мумкин бўлади.

V. Шартноманинг амал қилиш муддати

5.1. Мазкур шартнома икки томонлама имзоланиб, Ҳазначилик бўлиmidан рўйхатдан ўтказилган кундан бошлаб кучга киради.

5.2. Шартноманинг амал қилиш муддати 2022 йил 31 декабрь кунига қадар, мазкур шартноманинг барча шартлари бажарилган ва ҳисоб-китоб тўлиқ тугалланган тақдирда тўхтатилади.

5.3. Шартномага ўзгартириш ва қўшимча киритиш томонларнинг розилигига кўра қўшимча битимни расмийлаштириш йўли билан амалга оширилади. Шартномага ўзгартириш ва қўшимчалар киритиш ҳақидаги битим ёзма шаклда бўлганда ва томонлар уни имзолаганда ҳамда Ҳазначилик бўлиmidан рўйхатдан ўтказилгандагина ҳақиқийдир.

5.4. Шартномага киритилган қўшимча ва ўзгартиришлар шартноманинг ажралмас қисми ҳисобланади.

VI. Форс-мажор ҳолатлари

Тарафлардан бири шартномани форс-мажор ҳолатлар, яъни енгиб бўлмайдиган куч, фавқулодда ва муайян шароитларда олдини олиб бўлмайдиган вазиятлар (зилзила, қурғоқчилик, сув тошқини, ёнғин, сел, дўл, жала ва бошқа табиий офатлар) туфайли бажармаган ёки лозим даражада бажармагани исботланса, жавобгар бўлмайди.

Бунда ушбу шартнома мажбуриятларини бажариш муддати бундай ҳолатларнинг ҳаракатланиш даврига мос равишда орқага сурилади.

VII. Бошқа шартлар

Тарафлардан бирининг юридик ва почта манзили ҳамда банк реквизитлари, шунингдек бошқа реквизитлари ўзгарган тақдирда 10 (ўн) иш куни давомида иккинчи тарафга хабар қилинади.

Ушбу шартномани бажарилиши жараёнида пайдо бўлган келишмовчиликлар музокаралар ўтказиш йўли билан ҳал қилинади. Ўзаро келишув таъминланмаган ҳолда келишмовчиликлар аризачи жойлашган ҳудуд иқтисодий суди орқали ҳал қилинади.

Мазкур шартнома билан тартибга солинмаган томонлар ўртасидаги муносабатлар Ўзбекистон Республикаси Фуқаролик кодекси ва «Хўжалик юритувчи субъектлар фаолиятининг шартномавий ҳуқуқий базаси тўғрисида»ги Қонунига мувофиқ тартибга солинади.

VIII. Тарафларнинг манзилгоҳи ва реквизитлари

Бажарувчи:

“Meliomashlizingervis” МЧЖ

Тошкент шаҳар, Шайхонтоҳур тумани,

Туркқўргон кўчаси, 26-уй

Индекс:100200, тел: +998712267548

х/р: 20208000404959052001, АКБ “Asia Alliance

bank” Олмазор филиали, ИНН: 302175667,

МФО:01102, ОКЭД: 33120

Директор

А.Б.Файзиёв

Буюртмачи:

Мушк-Зарафшон ЧТХБ.

Манзил: Нуралиев 24

1190 100014

Тел: 22-4-97-41


х/р 10012186012401704240170004

Тошкент Миллий Банк

ИИИ 2050 70424

Раҳбар

Ш.Шоширқов



Ҳуқуқий ҳулоса

Ушбу шартнома лойиҳаси Ўзбекистон Республикаси Фуқаролик кодекси ва “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонуни талабларига мувофиқ таянган. Тарафларнинг жавобгарлик меъёрлари ва низоларни ҳал қилиш тартиби қонун ҳужжатлари талабларига мос келади.

Юрист

Асадов Б